

Nakon provedenog postupka direktnog sporazuma na način po postupku predviđenom članom 90. Zakona o javnim nabavkama BiH („Službeni glasnik BiH“ broj 39/14), zaključuje se

U G O V O R

O NABAVCI USLUGE DUBINSKE ANALIZE POSLOVANJA RADI IZRADE PRESJEKA STANJA POSLOVANJA JU „APOTEKE SARAJEVO“ NA DAN 31.05.2019.

između:

JAVNE USTANOVE "APOTEKE SARAJEVO", Sarajevo, Aleja Bosne Srebrene bb, ID broj: 4200280090003, koju zastupa generalni direktor Nedim Hrelja mr. ph. MBA (u daljem tekstu Naručilac)

i

AERO CONSULTING D.O.O., sa sjedištem u Sarajevu, ul. dr. Fetaha Bećirbegovića 43, ID broj: 4201910150006, koje zastupa Maja Hafizović, direktor (u daljem tekstu Izvršilac)

I PREDMET I CIJENA

Član 1.

Predmet ovog ugovora je nabavka usluge dubinske analize poslovanja radi izrade presjeka stanja poslovanja JU „Apotheke Sarajevo“ na dan 31.05.2019. g., što podrazumijeva i uključuje:

- Horizontalnu i vertikalnu analizu pokazatelja poslovanja na dane 31.12.2018., te 31.05.2019.;
- Analizu ostvarenja u odnosu na plan za 2018. godinu;
- Pregled nematerijalne imovine sa ocjenom računovodstvenog tretmana i konfirmacijom datih avansa na dan 31.05.2019.;
- Analizu stalnih sredstava sa ocjenom računovodstvenog tretmana na dan 31.05.2019.;
- Detaljan pregled procedura 5 najvećih nabavki u zadnje 3 godine
- Pregled ostalih stalnih sredstava na dan 31.05.2019.;
- Analizu ročne strukture potraživanja uz potvrđivanje tačnosti internog izvještavanja o istom, ocjena naplativosti i kolateriziranosti istih za 10 najvećih kupaca po prometu u zadnje tri godine;
- Pregled ugovora sa 5 najvećih kupaca u zadnje tri godine;
- Konfirmaciju 10 najvećih kupaca sa saldima na dan 31.05.2019.;
- Analizu starosti zaliha, sa ocjenom otpisa i umanjenja istih;
- Analizu računovodstvenog tretmana uskladištivih zaliha i ocjena;
- Pregled 5 najvećih dobavljača za zalihe;
- Pregled ostalih potraživanja sa ocjenom naplativosti;
- Pregled AVR;
- Analizu potencijalnih obaveza i sudskih sporova, otpremnina i jubilarnih nagrada;
- Konfirmaciju advokata.

Vrijednost navedene usluge u skladu sa ponudom Izvršioca iznosi 6.000,00 KM bez PDV-a.
Izvršilac nije PDV obveznik.

II ROK I NAČIN ISPORUKE

Član 2.

Izvršilac se obavezuje da će izvršiti uslugu koja je predmet ovog ugovora i po istoj sačiniti izvještaj u roku od 30 dana od potpisa Ugovora.

Izvršilac je obavezan da Naručiocu nadoknadi štetu zbog neblagovremenog izvršenja usluge, izuzev u slučaju više sile, poremećaja na tržištu, razloga koji je skrivio naručilac i drugih okolnosti na koje izvršilac nije mogao da utiče.

III NAČIN I ROK PLAĆANJA

Član 3.

Za izvršenu uslugu iz člana 1. ovog ugovora, plaćanje će se vršiti na račun izvršioca naznačen na fakturi.

Uplata će se izvršiti u roku do 30 dana od dana izvršenja usluge.

IV SAOPŠTENJE I REKLAMACIJE

Član 4.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora. Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

V TRAJANJE UGOVORA

Član 5.

Ovaj ugovor se zaključuje na period od 30 dana od dana potpisa Ugovora.

VI PRELAZNE I ZAVRŠNE ODREDBE

Član 6.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 7.

Za sve što nije predviđeno ovim ugovorom, primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 8.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

Član 9.

Ovaj ugovor je sačinjen u četiri (4) istovjetna primjerka od kojih dva primjerka zadržava svaka ugovorna strana.

JU „APOTEKE SARAJEVO“
Nedim Hrelja mr. ph. MBA
Generalni direktor

AERO CONSULTING D.O.O
Maja Hafizović
Direktor

Broj: 01-03-1317/19
Datum: 18.07.2019. g.

Broj:
Datum: 24.07.2019.

